



Broj: 01-16-12-664-2/20
Banja Luka, 05.03.2020. godine

Na osnovu člana 7. stav 1. Zakona o sistemu indirektnog oporezivanja u BiH ("Službeni glasnik BiH", broj: 44/03, 52/04, 34/07, 4/08, 49/09, 32/13 i 91/17) i Odluke o raspisivanju ponovljenog javnog oglasa za davanje u zakup poslovnog prostora u poslovnom objektu na Graničnom prelazu Gradiška, broj: 01-16-12-664/20 od 20.02.2020. godine, direktor Uprave za indirektno oporezivanje (u daljem tekstu: UIO), *o b j a v l j u j e*

TENDERSKU DOKUMENTACIJU
za prikupljanje ponuda za davanje u zakup prostora u novoizgrađenom objektu
Graničnog prelaza Gradiška

I – Ugovorni organ:

Uprava za indirektno oporezivanje, Ulica Bana Lazarevića bb, Banja Luka, koju zastupa direktor Uprave za indirektno oporezivanja.

II-Predmet ponovljenog javnog oglasa:

Davanje u zakup prostora u novoizgrađenom objektu Graničnog prelaza Gradiška i to:

- LOT I - prostori kontejnerskog tipa namjenjeni za obavljanje špediterskih usluga, i to: 21 jednodjelni kontejner površine 7,5 m² i 3 dvodjelna kontejnera površine 15 m²,
- LOT II - prostor kontejnerskog tipa namjenjen za obavljanje bankarskih usluga i to: 1 jednodjelni kontejner površine 7,5 m²,
- LOT III - jedan poslovni prostor površine 95,00m² namjenjen za obavljanje ugostiteljskih usluga, a koji se sastoji od sanitarnog čvora (6 m²), kuhinje (18 m²), restorana (51 m²), ostave (10 m²), pomoćnog prostora (7,5 m²) i sanitarije za osoblje (4 m²).

Prostori namjenjeni za obavljanje špediterskih i bankarskih usluga su kontejnerskog tipa. Ponuđači sa kojima budu zaključeni Ugovori za LOT I i II imat će na raspolaganju korištenje 3 sanitarna kontejnera dimenzije po 7,5 m².

Prostor namjenjen za obavljanje ugostiteljskih usluga je u sklopu čvrstog objekta, sa izvedenom potrebnom infrastrukturom (električna energija, voda, grijanje, razvod i priključci za telefon i računarsku opremu i dr.).

Ponuđač je dužan u svojoj ponudi navesti, za LOT I, o kojem prostoru se radi (jednodjelni kontejner površine 7,5 m² ili dvodjelni kontejner površine 15 m²).

Ugovori za obavljanje špediterskih poslova zaključuju se prema rang listi ponuđača, a u skladu sa kriterijima iz tačke VI podtačka 6.1. ove tenderske dokumentacije i po najvišoj ponuđenoj cijeni po 1 m².

Ugovorni organ potpisuje ugovore za LOT I shodno sačinjenoj rang listi sa 24 ponuđača.

Ukoliko ugovorni organ u postupku javnog oglasa za LOT I dobije dovoljan broj ponuđača odnosno dobije 24 ponude ili manje, a koji ispunjavaju sve kvalifikacione uslove, ugovorni organ neće primjenjivati kriterije iz tačke VI podtačka 6.1. niti sačinjavati rang

listu, već će se u tom slučaju svim kvalifikovanim ponuđačima ponuditi ugovor o zakupu po najvišoj ponuđenoj cijeni po 1m².

Ukoliko više ponuđača svoju ponudu dostavi za dvodjelni kontejner ugovorni organ će izbor izvršiti na osnovu rang liste ponuđača a u skladu sa kriterijima iz tačke VI podtačke 6.1. ove tenderske dokumentacije i po najvišoj ponuđenoj cijeni po 1 m².

Ponuđena cijena zakupnine po 1m² prostora za obavljanje špediterskih usluga ne može biti manja od 41,50 KM.

Ponuđena cijena zakupnine po 1m² prostora za obavljanje poštanskih, bankarskih i ugostiteljskih usluga ne može biti manja od 41,50 KM.

Ugovori za obavljanje bankarskih usluga te ugostiteljskih usluga zaključuju se shodno kriterijumu iz tačke VI. podtačka 6.2, i 6.3 ove Tenderske dokumentacije.

Svaki učesnik u postupku ima pravo na zakup samo jednog prostora.

Uvid u prostore koji se daju u zakup u novoizgrađenom objektu Graničnog prelaza Gradiška mogu se, uz prisustvo šefa Carinske ispostave ili od njega ovlaštenog lica, izvršiti svakog radnog dana od 09 do 15 časova do dana isteka roka za dostavljanje ponuda.

III - Pravo učešća:

Pravo učešća u javnom oglasu za prikupljanje ponuda za davanje u zakup prostora u novoizgrađenom objektu Graničnog prelaza Gradiška imaju sva lica koja su registrovana za obavljanje predmetne djelatnosti i koja ispunjavaju uslove iz tačke V. ove Tenderske dokumentacije.

IV - Rok za iznajmljivanje prostorija i dužina trajanja ugovora:

Prostori se iznajmljuju odmah po potpisivanju ugovora.

Dužina trajanja zakupa će biti utvrđena ugovorom o zakupu.

V - Kriteriji za selekciju ponuđača i sadržaj ponude:

U ponudi ponuđači su dužni dostaviti sljedeće:

5.1 Za vršenje špediterskih usluga:

1. Sadržaj ponude,
2. Pismenu izjavu o ponuđenoj cijeni-zakupnini po 1 m² prostora,
3. Dokaz o registraciji za obavljanje špediterske djelatnosti (ovjerena fotokopija rješenja o upisu u sudski registar sa svim pojedinačno ovjerenim priložima ili drugi relevantan dokument iz kog je vidljiva registracija za predmetnu djelatnost)
4. Dokaz o upisu u registar zastupnika u carinskom postupku,
5. Da su ispunili obaveze u vezi sa plaćanjem direktnih poreza u skladu sa relevantnim zakonskim odredbama u BiH ili zemlji gdje je ponuđač registrovan (uvjerenje nadležne poreske uprave ne starije od tri mjeseca računajući od dana podnošenja ponude),
6. Da su ispunili obaveze u vezi sa plaćanjem indirektnih poreza u BiH ili zemlji u kojoj je ponuđač registrovan (uvjerenje nadležnog regionalnog centra Uprave za indirektno oporezivanje ne starije od tri mjeseca),
7. Broj urađenih carinskih deklaracija u Carinskoj ispostavi Gradiška u periodu od 01.01. do 31.12.2019.godine. (broj urađenih carinskih deklaracija dokazuje se potvrdom/uvjerenjem Sektora za informacione tehnologije UIO),
8. Broj svih deklaracija u periodu od 01.01.do 31.12.2019.godine, umanjen za broj carinskih deklaracija urađenih u Carinskoj ispostavi Gradiška (broj urađenih

carinskih deklaracija dokazuje se potvrdom/uvjerenjem Sektora za informacione tehnologije UIO),

9. Pismenu izjavu ponuđača da ponuda ponuđača vrijedi 90 (devedeset) dana od isteka roka za dostavljanje ponuda,
10. Pismenu izjavu ponuđača da će ukoliko bude izabran uz potpisan Ugovor, a najkasnije u roku od 30 dana od dana zaključenja Ugovora, Zakupodavcu na ime obezbjeđenja plaćanja zakupnine i režijskih troškova, dostaviti bankovnu garanciju u visini ukupne godišnje zakupnine, sa rokom trajanja kao Ugovor, plus 60 (šezdeset) dana,
11. Pismenu izjavu ponuđača da će, ukoliko bude izabran, **prihvatiti iznos zakupa po 1 m² po najvišoj ponuđenoj cijeni,**
12. Pismenu izjavu ponuđača za koji prostor dostavlja ponudu (jednodjelni kontejner površine 7,5 m² ili dvodjelni kontejner površine 15 m²).
13. Popunjen Aneks 1 - Obrazac za ponudu,
14. Popunjen Aneks 2 - Obrazac za cijenu ponude.

5.2 Za vršenje bankarskih usluga:

1. Sadržaj ponude,
2. Pismenu izjavu o ponuđenoj cijeni-zakupnini po 1 m² prostora,
3. Dokaz o registraciji za obavljanje bankarske djelatnosti (ovjerena fotokopija rješenja o upisu u sudski registar sa svim pojedinačno ovjerenim priložima ili drugi relevantan dokument iz kog je vidljiva registracija za predmetnu djelatnost),
4. Dozvola za rad izdata od Agencije za bankarstvo,
5. Da su ispunili obaveze u vezi sa plaćanjem direktnih poreza u skladu sa relevantnim zakonskim odredbama u BiH ili zemlji gdje je ponuđač registrovan (uvjerenje nadležne poreske uprave ne starije od tri mjeseca računajući od dana podnošenja ponude),
4. Da su ispunili obaveze u vezi sa plaćanjem indirektnih poreza u BiH ili zemlji u kojoj je ponuđač registrovan (uvjerenje nadležnog regionalnog centra Uprave za indirektno oporezivanje ne starije od tri mjeseca),
5. Pismenu izjavu ponuđača da će radno vrijeme prilagoditi potrebama Carinske ispostave Gradiška,
6. Pismenu izjavu ponuđača da ponuda ponuđača vrijedi 90 (devedeset) dana od isteka roka za dostavljanje ponuda,
7. Popunjen Aneks 1 - Obrazac za ponudu,
8. Popunjen Aneks 3 - Obrazac za cijenu ponude.

5.3 Za vršenje ugostiteljskih usluga:

1. Sadržaj ponude,
2. Pismenu izjavu o ponuđenoj cijeni-zakupnini po 1m² prostora,
3. Dokaz da su registrovani za obavljanje predmetne (ugostiteljske) djelatnosti u odgovarajućem profesionalnom ili drugom registru, (ovjerena fotokopija rješenja o upisu u sudski registar sa svim pojedinačno ovjerenim priložima ili drugi relevantan dokument iz kog je vidljiva registracija za predmetnu djelatnost),
4. Da su ispunili obaveze u vezi sa plaćanjem direktnih poreza u skladu sa relevantnim zakonskim odredbama u BiH ili zemlji gdje je ponuđač registrovan (uvjerenje nadležne poreske uprave ne starije od tri mjeseca računajući od dana podnošenja ponude),

5. Da su ispunili obaveze u vezi sa plaćanjem indirektnih poreza u BiH ili zemlji u kojoj je ponuđač registrovan (uvjerenje nadležnog regionalnog centra Uprave za indirektno oporezivanje ne starije od tri mjeseca),
6. Pismenu izjavu ponuđača da će radno vrijeme restorana prilagoditi potrebama Carinske ispostave Gradiška,
7. Pismenu izjavu ponuđača da se predmetnom djelatnošću bavio minimalno godinu dana,
8. Pismenu izjavu ponuđača da će ponuđač na svoj trošak obezbijediti vlastito brojilo za potrošnju električne energije,
9. Pismenu izjavu ponuđača da ponuda ponuđača vrijedi 90 (devedeset) dana od isteka roka za dostavljanje ponuda,
10. Pismenu izjavu ponuđača da će u ugostiteljskom objektu obezbijediti sav potrebni inventar,
11. Pismenu izjavu ponuđača da će ukoliko bude izabran uz potpisan Ugovor, a najkasnije u roku od 30 dana od dana zaključenja Ugovora, Zakupodavcu na ime obezbjeđenja plaćanja zakupnine i režijskih troškova, dostaviti bankovnu garanciju u visini ukupne godišnje zakupnine, sa rokom trajanja kao Ugovor, plus 60 (šezdeset) dana,
12. Popunjen Aneks 1 - Obrazac za ponude,
13. Popunjen Aneks 4 - Obrazac za cijenu ponude.

Ukoliko za LOT II i III ponuđači dostave iste cijene po 1m², ugovorni organ zadržava pravo da poništi javni oglas za LOT II i III.

NAPOMENA:Ugovorni organ-Uprava za indirektno oporezivanje zadržava pravo da kod nadležnih institucija izvrši provjeru istinitosti dostavljenih izjava i dokaza traženih u tački V-Sadržaj ponude Tenderske dokumentacije.

Ukoliko ponuđač ne dostavi bilo koji dokaz, ili dostavi ponudu suprotno propisanom načinu iz glave V tenderske dokumentacije njegova ponuda neće se uzeti u dalje razmatranje.

Ponuđači snose sve troškove u vezi sa pripremom i dostavljanjem svojih ponuda.

Ponuda se izrađuje na način da čini cijelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom i pečatom ponuđača. **Svi listovi ponude moraju biti čvrsto uvezani na način da se onemogućí naknadno vađenje ili umetanje listova** (npr. kao knjiga ili povezane jemstvenikom - vrpcom).

Traženi dokazi izdati od nadležnog organa, dostavljaju se u originalu ili ovjerenoj kopiji kod nadležnog organa.

Pismene izjave ponuđača potrebno je dostaviti u originalu, ovjerene potpisom i pečatom ovlaštenog lica za zastupanje ponuđača.

VI - Kriterijum dodjele ugovora po javnom oglasu:

6.1 Kriterijum dodjele ugovora za vršenje špediterskih usluga:

- a) Najviša ponuđena cijena po 1 m².....80%,
- b) Broj urađenih carinskih deklaracija u Carinskoj ispostavi Gradiška u periodu od 01.01. do 31.12.2019.godine.....15%,
- c) Broj svih deklaracija u periodu od 01.01.do 31.12.2019.godine, umanjen za broj carinskih deklaracija urađenih u Carinskoj ispostavi Gradiška.....5%

Ugovor se dodjeljuje ponuđaču koji je dobio najviši ukupan broj bodova.

Bodovi se dodjeljuju u skladu sa slijedećom formulom:

$$T = P + G + E$$

Pri čemu je:

T – ukupan broj bodova

P – broj bodova koji je dobio ponuđač za ponuđenu cijenu

G – broj bodova koji je ponuđač dobio za broj urađenih carinskih deklaracija

E – broj bodova koji je ponuđač dobio za broj svih carinskih deklaracija

1. Najviša ponuđena cijena po 1 m²

Maksimalan broj bodova [80] će se dodijeliti ponuđaču koji je predložio najvišu ponuđenu cijenu po 1m². Drugi ponuđači će u skladu s tim dobiti manji broj bodova, prema slijedećoj formuli:

$$P = \frac{Pl}{Pt} x [80]$$

Pri čemu je:

P – broj bodova koji je ponuđač dobio za ponuđenu cijenu

Pl – cijena koja je predložena u ponudi koja je predmet ocjene

Pt – najviša cijena koja je ponuđena u postupku javnog oglasa

[80] – maksimalan broj bodova koji je dodijeljen ponuđaču koji je ponudio najvišu cijenu

2. Broj urađenih carinskih deklaracija u Carinskoj ispostavi Gradiška u periodu od 01.01. do 31.12.2019.godine

Broj urađenih carinskih deklaracija u Carinskoj ispostavi Gradiška u periodu od 01.01. do 31.12.2019.godine – maksimalno [15] bodova.

Maksimalan broj bodova [15] će se dodijeliti ponuđaču koji je ponudio najveći broj urađenih carinskih deklaracija, dok će drugi ponuđači stoga dobiti manji broj bodova u skladu sa slijedećom formulom:

$$G = \frac{G_t}{G_l} x [15]$$

Pri čemu je:

G – broj bodova koji je dodijeljen ponuđaču za broj urađenih carinskih deklaracija u CI Gradiška

G_t – broj urađenih carinskih deklaracija u CI Gradiška koji je ponuđen u ponudi koja se ocjenjuje

G_l – najveći broj urađenih carinskih deklaracija u CI Gradiška

[15] – broj bodova koji je dodijeljen ponuđaču koji je ponudio najveći broj urađenih carinskih deklaracija u CI Gradiška

3. Broj svih deklaracija u periodu od 01.01.do 31.12.2019.godine, umanjen za broj carinskih deklaracija urađenih u Carinskoj ispostavi Gradiška

Broj svih deklaracija u periodu od 01.01.do 31.12.2019.godine, umanjen za broj carinskih deklaracija urađenih u Carinskoj ispostavi Gradiška – maksimalno [5] bodova.

Maksimalan broj bodova [5] će se dodijeliti ponuđaču koji je ponudio najveći broj svih deklaracija, umanjen za broj carinskih deklaracija urađenih u Carinskoj ispostavi Gradiška, dok će drugi ponuđači stoga dobiti manji broj bodova u skladu sa slijedećom formulom:

$$E = \frac{E_t}{E_l} x [5]$$

Pri čemu je:

E – broj bodova koji je dodijeljen ponuđaču za broj urađenih svih deklaracija, umanjen za broj carinskih deklaracija urađenih u Carinskoj ispostavi Gradiška

E_t – broj urađenih svih deklaracija, umanjen za broj carinskih deklaracija urađenih u Carinskoj ispostavi Gradiška, koji je ponuđen u ponudi koja se ocjenjuje

E_l – najveći broj svih deklaracija, umanjen za broj carinskih deklaracija urađenih u Carinskoj ispostavi Gradiška

[5] – broj bodova koji je dodijeljen ponuđaču koji je ponudio najveći broj svih deklaracija, umanjen za broj carinskih deklaracija urađenih u Carinskoj ispostavi Gradiška

6.2 Kriterijum dodjele ugovora za vršenje bankarskih usluga usluga:

- a) Najviša ponuđena cijena po 1 m².....100%.

Ugovor će se dodijeliti kvalifikovanom ponuđaču koji ponudi najvišu cijenu zakupnine po 1m² prostora.

6.3 Kriterijum dodjele ugovora za vršenje ugostiteljskih usluga:

- a) Najviša ponuđena cijena po 1 m².....100%.

Ugovor će se dodjeliti kvalifikovanom ponuđaču koji ponudi najvišu cijenu zakupnine po 1m² prostora.

VII - Period važenja ponude:

Ponuda obavezuje ponuđače za period od 90 (devedeset) dana od isteka roka za dostavljanje ponuda.

U izuzetnim slučajevima i prije isteka važenja ponude, Ugovorni organ može zahtijevati od dobavljača, u pisanoj formi, da produži period važenja ponude za još 30 (trideset) dana.

Dobavljači koji se s tim slože ne smiju mijenjati ponude.

Ponuda obavezuje najuspješnijeg ponuđača na dodatni period na 60 (šezdeset) dana nakon prijema obavijesti da je njegova ponuda izabrana.

VIII - Garancija:

Ponuđač je uz ponudu dužan dostaviti izjavu da će, ukoliko bude izabran uz potpisan Ugovor, a najkasnije u roku od 30 dana od dana zaključenja Ugovora, Zakupodavcu na ime obezbjeđenja plaćanja zakupnine i režijskih troškova, dostavi bankovnu garanciju u visini ukupne godišnje zakupnine, sa rokom trajanja kao Ugovor, plus 60 (šezdeset) dana.

IX - Mjesto, datum i vrijeme prijema ponuda:

Propisno kovertirane i zatvorene ponude dostaviti na protokol Uprave za indirektno oporezivanje, Banja Luka, Ulica Bana Lazarevića bb, **najkasnije do 18.03.2020. godine do 12 sati.**

Na omotu koverta obavezno je naznačiti naziv i adresu ponuđača, sa napomenom:

„Ponuda za javni oglas, davanje u zakup prostora u novoizgrađenom objektu Graničnog prelaza Gradiška LOT- _____ - Ne otvarati, otvara komisija“

Ponude primljene poslije vremena određenog za podnošenje ponuda biće vraćene neotvorene.

X - Mjesto, datum i vrijeme otvaranja ponude:

Otvaranje ponuda je javno i otvaranju može prisustvovati ovlašteni predstavnik ponuđača, koji svoje ovlašćenje dokazuje u pismenom obliku.

Javno otvaranje ponuda održat će se dana **18.03.2020.godine u 13,15 sati**, u prostorijama Uprave za indirektno oporezivanje, Bana Lazarevića bb, Banja Luka.

OBRAZAC ZA PONUDU

Broj nabavke: 01-16-12-664-_____/20

Broj ponude: _____

Datum: _____

UGOVORNI ORGAN:

Naziv ugovornog organa	Uprava za indirektno/neizravno oporezivanje
Adresa	Bana Lazarevića bb, 78 000 Banja Luka
Sjedište	Banja Luka

PONUĐAČ:

Naziv i sjedište ponuđača	
Adresa	
IDB/JIB	
Broj žiro računa	
Da li je ponuđač u sistemu PDV:	
Adresa za dostavu pošte	
E – mail	
Kontakt osoba	
Broj telefona	
Broj faksa	

OBRAZAC ZA CIJENU PONUDE
LOT I - prostori kontejnerskog tipa namjenjeni za obavljanje špediterskih usluga

U postupku javnog oglasa koji ste pokrenuli objavom u dnevnim novinama i web sajtu UIO dana _____, dostavljamo vam ponudu i izjavljujemo sljedeće:

1. CIJENA PONUDE

- Cijena zakupa prostora za obavljanje špediterskih usluga po 1 m² : _____ KM
 - Cijena zakupa prostora za obavljanje špediterskih usluga po 1 m² slovima:
-

2. IZJAVE O PRIHVATANJU USLOVA TENDERA

2.1. Prihvatamo sve uslove definisane tenderskom dokumentacijom bez ikakvih rezervi i ograničenja.

2.2. Naša ponuda važi _____ dana od dana isteka roka za dostavljanje ponuda, odnosno do _____ godine (ne kraće od 90 dana).

U izuzetnim slučajevima, i prije isteka važenja ponude, Ugovorni organ može zahtijevati od ponuđača, u pisanoj formi, da produži period važenja ponude za još 30 (trideset) dana i ponuđač koji se s tim složi ne smije mijenjati ponudu. Ponuda obavezuje najuspješnijeg ponuđača na dodatni period na 60 (šezdeset) dana nakon prijema obavijesti da je njegova ponuda izabrana.

M.P.

OVLAŠTENO LICE
PONUĐAČA

OBRAZAC ZA CIJENU PONUDE
LOT II - prostor kontejnerskog tipa namjenjen za obavljanje bankarskih usluga

U postupku javnog oglasa koji ste pokrenuli objavom u dnevnim novinama i web sajtu UIO dana _____, dostavljamo vam ponudu i izjavljujemo sljedeće:

1. CIJENA PONUDE

- Cijena zakupa prostora za obavljanje bankarskih usluga po 1 m² : _____ KM
 - Cijena zakupa prostora za obavljanje bankarskih usluga po 1 m² slovima:
-

2. IZJAVE O PRIHVATANJU USLOVA TENDERA

2.1. Prihvatamo sve uslove definisane tenderskom dokumentacijom bez ikakvih rezervi i ograničenja.

2.3. Naša ponuda važi _____ dana od dana isteka roka za dostavljanje ponuda, odnosno do _____ godine (ne kraće od 90 dana).

U izuzetnim slučajevima, i prije isteka važenja ponude, Ugovorni organ može zahtijevati od ponuđača, u pisanoj formi, da produži period važenja ponude za još 30 (trideset) dana i ponuđač koji se s tim složi ne smije mijenjati ponudu. Ponuda obavezuje najuspješnijeg ponuđača na dodatni period na 60 (šezdeset) dana nakon prijema obavijesti da je njegova ponuda izabrana.

M.P.

OVLAŠTENO LICE
PONUĐAČA

OBRAZAC ZA CIJENU PONUDE
LOT III - poslovni prostor namjenjen za obavljanje ugostiteljskih usluga -
restoran

U postupku javnog oglasa koji ste pokrenuli objavom u dnevnim novinama i web sajtu UIO dana _____, dostavljamo vam ponudu i izjavljujemo sljedeće:

1. CIJENA PONUDE

- Cijena zakupa prostora za obavljanje ugostiteljskih usluga - restoran, po 1 m² : _____ KM
 - Cijena zakupa prostora za obavljanje ugostiteljskih usluga - restoran, po 1 m² slovima:
-

2. IZJAVE O PRIHVATANJU USLOVA TENDERA

2.1. Prihvatamo sve uslove definisane tenderskom dokumentacijom bez ikakvih rezervi i ograničenja.

2.4. Naša ponuda važi _____ dana od dana isteka roka za dostavljanje ponuda, odnosno do _____ godine (ne kraće od 90 dana).

U izuzetnim slučajevima, i prije isteka važenja ponude, Ugovorni organ može zahtijevati od ponuđača, u pisanoj formi, da produži period važenja ponude za još 30 (trideset) dana i ponuđač koji se s tim složi ne smije mijenjati ponudu. Ponuda obavezuje najuspješnijeg ponuđača na dodatni period na 60 (šezdeset) dana nakon prijema obavijesti da je njegova ponuda izabrana.

M.P.

OVLAŠTENNO LICE
PONUĐAČA
